

## **Tusagassiuutitigut nalunaarut**

Inatsisartut 2012-imi ukiakkut ataatsimiinnerminni qamutit motorillit akileraarutaat pillugit inatsimmut allannguutissat akuersissutigaa.

Qamutit motorillit 1.500 kg-t ataallugit oqimaassuseqartunut akileraarusersuinermit killiliussat 1. april 2013-imiit atuutilersussamik allanngortiteriffigineqarput.

Qamutit motorillit 901 kg-t ataallugit oqimaassutsinut agguataarinermi maannamut killiussaq 1.001 kg-nut allanngortinneqarpoq. Oqimaassutsit tunngavigalugit akileraarusersuinerit nutaat marluk, tassalu qamutit motorillit 1.001 kg-niit 1.200 kg.-t angullugit oqimaassusilinnut kiisalu qamutit motorillit 1.201 kg-niit 1.500 kg-t angullugit oqimaassusilinnut akileraarutit atuutilersinneqarput. Oqimaassutsinut allanut akileraarusersuinermit tunngaviit allanngortinneqanngillat.

Qamutit motorillit akilerutaannik akiligassiinissani tulliuuttumi ullormilu 1. april 2013-imi akilerneqartussanngortussat kingusinnerpaamillu 20. april 2013-imi akilerneqareersimasussat, qamutit motorillit akileraarutaat ima annertussuseqassapput:

- 1) Qamutit motorillit 1.000 kg-t angullugit oqimaassusillit: kr. 6.554.
- 2) Qamutit motorillit 1.001 kg-niit 1.200 kg-t angullugit oqimaassusillit: kr. 10.049.
- 3) Qamutit motorillit 1.201 kg-niit 1.500 kg-t angullugit oqimaassusillit: kr. 10.747.
- 4) Qamutit motorillit 1.501 kg-niit 1.800 kg-t angullugit oqimaassusillit: kr. 15.231.
- 5) Qamutit motorillit 1.800 kg sinnerlugit oqimaassusillit: kr. 17.575.
- 6) Motorcykelit: kr. 3.540.

Qamutit motorilinnik piginnittut akiligassinneqarnerminnik marsip qaammataata naajartornerani tigusaqarumaarput.

Akileraartarnermut Aqutsisoqarfiup kajumissaarutigissavaa akiligassiissutit PBS-ikkoortitalernissaat anguniaqqullugu. Taamaattorli makkua eqqumaffigeqquneqarput: Qamut motorilik inummut allamut tunisimagaani tamatumalu kingorna allamik pisaarluni, taava akiligassat takussutissartaanni tigusimasami misissorneqassaaq qamummut motorilimmut eqqortumut akiligassiissut tigusiannerlugu, tassami qamummik motorilimmik pigisaqartup pigiunnaakkani nalunaarutiginissaa kiisalu qamut motorilik alla pisaani nalunaarsortinnissaa nammineerluni qulakkeertussaagamiuk.

Allannguutininut paasissutissat annertunerusut Akileraartarnermut Aqutsisoqarfiup nittartagaani [www.aka.gl](http://www.aka.gl) –imi takuneqarsinnaapput imaluunniit akileraaruseriffimmut qaninnermut saaffiginninnikkut pissarsiarineqarsinnaallutik.

### ***Akileraartarnermut Aqutsisoqarfik***

01. marts 2013